

## SAOPŠTENJE ZA MEDIJE:

**ADDIKO BANK SARAJEVO: Počinje nova sezona Addiko SME Akademije, partner projekta i ove godine je EBRD**



**Addiko SME Akademija**

**Znanje je rast!**

Addiko Bank  European Bank  
for Reconstruction and Development  Sufinansira  
Evropska unija

**Addiko Bank Sarajevo i Addiko Bank Banja Luka i ove godine organizuju zajedničku SME akademiju u gradovima širom BiH. Prijave su moguće do 23. augusta**

Predstavnici malih i srednjih preduzeća iz cijele Bosne i Hercegovine imat će priliku da učestvuju u seriji interaktivnih radionica i obuka koje će voditi stručni konsultanti, s ciljem razvoja vještina i znanja u različitim oblastima poslovanja.

Addiko SME Akademija počinje 10. septembra i održavat će se u pet gradova: Sarajevo, Banja Luka, Mostar, Tuzla i Bijeljina, a priliku za učešće u programu koji će biti u potpunosti besplatan će dobiti više od stotinu preduzetnika. Podršku projektu i ove godine će pružiti Evropska banka za obnovu i razvoj (EBRD) i Evropska unija, kako bi na ovaj način uticali na razvoj preduzetništva u Bosni i Hercegovini, s posebnim fokusom na menadžere nove generacije kao i osnaživanje učešća žena na rukovodećim pozicijama. Pored kvalitetnog edukativnog sadržaja radionica, učesnici će imati priliku za međusobno umrežavanje kao i izgradnju platforme za razmjenu znanja.

„Veliko nam je zadovoljstvo što je poslovna zajednica prepoznala značaj Addiko SME Akademije koju ćemo i ove godine organizovati sa našom sestrinskom bankom u Banja Luci. Teme u okviru akademije pažljivo su odabrane kako bi učesnicima omogućili što kvalitetniji sadržaj edukativnih radionica s ciljem sticanja specijalizovanih znanja i vještina. Ovogodišnja akademija će, između ostalog, biti fokusirana i na primjenu ESG koncepta u kompanijama, odnosno uticaja na okolišne, društvene i upravljačke faktore, što je za naša strateška opredjeljenja posebno važno“, istakao je Jasmin Spahić, predsjednik Uprave Addiko Bank Sarajevo.

Od početka septembra, učesnici će imati priliku da se edukuju iz oblasti komunikacija, internog preduzetništva i inovacija, razumijevanja finansijskih koncepata i važnosti ESG koncepta, kao i upravljanja prodajom.

Svi predstavnici malih i srednjih preduzeća na ovogodišnju Addiko SME Akademiju mogu se prijaviti online putem [LINKA](#), gdje se mogu detaljnije informisati o projektu. Proces selekcije prijavljenih kandidata će vršiti stručni konsultanti i predavači odabrani od strane predstavnika Addiko banaka.